



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-549-3/24
Sarajevo, 11.01.2024. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), a u vezi sa članom 15. stav (3) Zakona o pravobranilaštvu („Službene novine Kantona Sarajevo“, broj: 33/08 - Novi prečišćeni tekst, 7/12, 44/16 i 45/21) Vlada Kantona Sarajevo, na **Sedmoj**sjednici održanoj **11.01.2024.** godine, donijela je

ZAKLJUČAK

1. Utvrđuje se prijedlog Odluke o davanju saglasnosti na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalazi u sklopu Informativno-edukacionog centra na Bijambarama, između ugovornih strana: Kantonalne javne ustanove za zaštićena prirodna područja Kantona Sarajevo kao zakupodavca i Ugostiteljske radnje "OAZA-DINO B" kao zakupca, koji je izabran putem Javnog oglasa.
2. Poslovni prostor iz tačke 1. ovog zaključka nalazi se na zemljištu označenom kao k.č. br. 534/83 K.O. SP Kamenica, upisan u zemljišnokrižni uložak broj: 105 i vlasništvo je Kantona Sarajevo, sa udjelom 1/1.
3. Prijedlog Odluke iz tačke 1. ovog zaključka dostavlja se Skupštini Kantona Sarajevo na nadležno odlučivanje.
4. Ovaj zaključak stupa na snagu danom donošenja.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Ministarstvo finansija Kantona Sarajevo,
7. Kantonalna javna ustanova za zaštićena prirodna područja (putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo),
8. Evidencija,
9. A r h i v a.





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 18. stav (1) tačka m) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96 - Ispravka, 16/97, 14/00, 4/01, 28/04, 6/13 i 31/17), člana 15. stav (3) Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12, 44/16 i 45/21) i čl. 117. i 119. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), a u vezi sa članom 8. Zakona o imovini Kantona Sarajevo ("Službene novine Kantona Sarajevo", br. 6/97, 9/98 - Presuda suda Federacije Bosne i Hercegovine, 5/10 - Presuda suda Federacije Bosne i Hercegovine i 27/16), Skupština Kantona Sarajevo, na sjednici održanoj dana _____ 2023. godine donijela je

Prijedlog

**ODLUKU
O DAVANJU SAGLASNOSTI ZA ZAKLJUČIVANJE UGOVORA O ZAKUPU
POSLOVNOG PROSTORA (RESTORANA) I OTVORENOG PROSTORA ISPRED
OBJEKTA (LJETNE BAŠTE) KOJI SE NALAZE U SKLOPU INFORMATIVNO-
EDUKACIONOG CENTRA NA BIJAMBARAMA**

I

Daje se saglasnost na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama, na zemljištu označenom kao k.č. br. 534/83 K.O. SP_Kamenica, upisan u zk uložak broj 105, vlasništvo Kantona Sarajevo, sa udjelom 1/1, između ugovornih strana: Kantonalne javne ustanove za zaštićena prirodna područja kao zakupodavca i Ugostiteljske radnje "OAZA-DINO B" kao zakupca, koji je odabran putem javnog oglasa.

II

Ovlašćuje se direktor Kantonalne javne ustanove za zaštićena prirodna područja da može zaključiti Ugovor iz tačke I ove odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj: 01- _____ /23
Sarajevo, __. __.2023. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

OBRAZLOŽENJE

I - PRAVNI OSNOV

Pravni osnov za donošenje Odluke sadržan je u odredbama člana 18. stav (1) tačka m) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), kojim je propisano da Skupština Kantona Sarajevo u svojoj nadležnosti vrši druge poslove utvrđene federalnim propisima, ovim Ustavom i kantonalnim propisima; članu 15. stav (3) Zakona o pravobranilaštvu ("Službene novine Kantona Sarajevo, broj 33/08 - Novi prečišćeni tekst, 7/12, 44/16 i 45/21), kojim je utvrđeno da su organi i pravna lica dužni pribaviti i saglasnost Skupštine Kantona prije zaključenja ugovora imovinsko-pravne prirode u skladu sa Ustavom Kantona i zakonom, a ukoliko na te ugovore nije pribavljeno pravno mišljenje Pravobranilaštva, Skupština ih neće ni razmatrati, odnosno odbiće davanje saglasnosti; članu 117. i 119. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka) kojim je definisano, da Skupština Kantona Sarajevo u vršenju svojih nadležnosti donosi, između ostalog, i odluke, kao i to šta se odlukom donosi/odlučuje.

Pravni osnov u vezi je sa članom 8. Zakona o imovini Kantona Sarajevo („Službene novine Kantona Sarajevo“, br. 6/97, 9/98 - Presuda Ustavnog suda Federacije Bosne i Hercegovine, 5/10 - Presuda Ustavnog suda Federacije Bosne i Hercegovine i 27/16), kojim je propisano da imovinom Kantona upravlja Skupština Kantona Sarajevo.

II - RAZLOZI ZA DONOŠENJE

U proteklom periodu, Kantonalna javna ustanova za zaštićena prirodna područja (u daljem tekstu: KJU za zaštićena prirodna područja) provela je proceduru javnog oglašavanja za dodjelu u zakup poslovnog prostora (restorana) i otvorenog prostora ispred objekta (ljetne bašte) u sklopu Informativno-edukacionog centra na području Zaštićenog pejzaža "Bijambare".

Procedura javnog oglašavanja i dodjele u zakup predmetnih prostora provedena je imajući u vidu da je istekao ugovor o zakupu sa ranije odabranim zakupcem. Ministarstvo je prethodno dalo saglasnost na Odluku o utvrđivanju kriterija za dodjelu u zakup poslovnog prostora (restorana) i otvorenog prostora ispred objekta (ljetne bašte) Edukaciono-Informativnog centra na Bijambarama broj: 01-664/23 koju je donio Upravni odbor KJU za zaštićena prirodna područja dana 13.07.2023. godine.

Inače, Informativno-edukacioni centar nalazi se na području Zaštićenog pejzaža "Bijambare", na zemljištu označenom kao k.č. br. 534/83 K.O. SP_Kamenica, upisan u zk uložak broj 105, vlasništvo je Kantona Sarajevo, sa udjelom 1/1.

Podsjećanja radi, Odlukom o provođenju Prostornog plana područja posebnih obilježja Zaštićeni pejzaž „Bijambare“ („Službene novine Kantona Sarajevo“, broj 23/09) propisana je promjena namjene u objekat za potrebe upravitelja zaštićenog područja, odnosno KJU za zaštićena prirodna područja. Objekat ima funkciju informativno-edukacionog-servisnog punkta, te je moguća rekonstrukcija u skladu s mjerama prve zaštićene zone. Radi promjene namjene objekta tadašnje Ministarstvo prostornog uređenja i zaštite okoliša je u Budžetu Kantona Sarajevo osiguralo novčana sredstva i otpočelo aktivnosti na kupovini - pribavljanju planinarskog doma, dvorišta i

pašnjaka u Općini Ilijaš. U tom kontekstu, Skupština Kantona Sarajevo je 2011. godine donijela Odluku o kupovini - pribavljanju planinarskog doma, dvorišta i pašnjaka u Općini Ilijaš („Službene novine Kantona Sarajevo“, broj 30/11), dok je KJU za zaštićena prirodna područja kao upravitelj, za rekonstrukciju objekta osigurala novčana sredstva od Federalnog ministarstva okoliša i turizma, kao i od prodaje ulaznica i karti na ovom zaštićenom prirodnom području.

Po okončanju procedure javnog oglašavanja i odabiru zakupca - Ugostiteljska radnja "OAZA-DINO B", direktor KJU za zaštićena prirodna područja dana 17.10.2023. godine donio je Odluku broj: 03-914/23 o dodjeli u zakup poslovnog prostora (restorana) i otvorenog prostora ispred objekta (ljetne bašte) u sklopu Edukaciono-Informativnog centra na Bijambarama, te je ista zajedno sa prijedlogom Ugovora o zakupu i ostalom popratnom dokumentacijom dostavljena Ministarstvu na dalju proceduru.

Ministarstvo je u međuvremenu, a na osnovu člana 15. Zakona o pravobranilaštvu („Službene novine Kantona Sarajevo, broj 33/08 - Novi prečišćeni tekst, 7/12, 44/16 i 45/21), pribavilo pravno mišljenje na prijedlog Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama.

Imajući u vidu sugestije i komentare Pravobranilaštva Kantona Sarajevo, Ugovor je vraćen KJU za zaštićena prirodna područja na dodatnu doradu i usaglašavanje. KJU za zaštićena prirodna područja je u međuvremenu izvršila neophodne izmjene i dopune Ugovora, te je isti dostavila Ministarstvu na dalju proceduru.

Članom 8. Zakona o imovini Kantona Sarajevo ("Službene novine Kantona Sarajevo", br. 6/97, 9/98 - Presuda suda Federacije Bosne i Hercegovine, 5/10 - Presuda suda Federacije Bosne i Hercegovine i 27/16) propisano je da imovinom Kantona upravlja Skupština Kantona Sarajevo.

Članom 15. stav (3) Zakona o pravobranilaštvu propisano je da su organi i pravna lica dužni pribaviti i saglasnost Skupštine Kantona prije zaključenja ugovora imovinsko-pravne prirode u skladu sa Ustavom Kantona i zakonom, a ukoliko na te ugovore nije pribavljeno pravno mišljenje Pravobranilaštva, Skupština ih neće ni razmatrati, odnosno odbiće davanje saglasnosti.

Dodjelom u zakup predmetnih poslovnih prostora ne mijenja se titular prava vlasništva, tj. stvar je samo obligatorno pravne, a ne stvarno pravne prirode.

Cijeneći gore navedeno, predlaže se Skupštini Kantona Sarajevo donošenje Odluke o davanju saglasnosti na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama, između ugovornih strana: Kantonalne javne ustanove za zaštićena prirodna područja kao zakupodavca i Ugostiteljske radnje "OAZA-DINO B" kao zakupca.

UGOVOR

o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama

Zaključen u Sarajevu dana _____2023. godine

između :

- 1. KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, a koju zastupa i predstavlja direktor Asad Jelešković dipl.ing.polj.sa jedne strane (u daljem tekstu: Zakupodavac)
- 2. UGOSTITELJSKA RADNJA „OAZA-DINO B“**, sa sjedištem u ulici Bijambare bb Ilijaš, kojeg zastupa i predstavlja Fatima Duraković sa druge strane (u daljem tekstu : Zakupac)

i

I-PREDMET UGOVORA

Član 1.

Ovim ugovorom Zakupodavac daje, a Zakupac prima u zakup poslovni prostor (restoran) ukupne površine 48 m² i otvoreni prostor ispred objekta (ljetna bašta) površine 70,00 m², koji se nalaze u sklopu Informativno-edukacionog centra na Bijambarama koji su vlasništvo Kantona Sarajevo-Vlade Kantona Sarajevo sa udjelom 1/1.

U zakup se dodjeljuje poslovni prostor (restoran) u sklopu Edukaciono-informativnog centra na Bijambarama na cjelokupni period od 12 mjeseci u toku kalendarske godine.

U zakup se dodjeljuje otvoreni prostor ispred objekta (ljetna bašta) u sklopu Edukaciono-informativnog centra na Bijambarama na cjelokupni period od 6 mjeseci u toku kalendarske godine.

II- CIJENA ZAKUPA, NAČIN I ROK PLAĆANJA ZAKUPNINE

Član 2.

Cijena zakupa restorana je 16,00 KM/m² dok je cijena zakupa otvorene ljetne bašte 6,00 KM/m².

Mjesečna cijena zakupa restorana iznosi 768,00 KM bez PDV-a, dok je mjesečna cijena zakupa otvorenog prostora ispred objekta 420,00 KM bez PDV-a.

Plaćanje zakupnine će se vršiti na Depozitni račun Kantona Sarajevo broj: 1411965320008475 otvoren kod BBI banke, budžetska pozicija 3301003, vrsta prihoda 722631, šifra općine 077.

Plaćanje zakupnine restorana i ljetne bašte u sezonskom periodu će se vršiti najkasnije do 10-og u tekućem mjesecu za prethodni mjesec.

Član 3.

Ugovorne strane su se usaglasile da će zakupninu poslovnog prostora (restorana) iz člana 1. stav 2). ugovora plaćati za 12 mjeseci u toku kalendarske godine.

Ugovorne strane su se usaglasile da će zakupninu otvorenog prostora ispred objekta (ljetne bašte) iz člana 1. stav 3.) ugovora plaćati za 6 mjeseci u toku kalendarske godine.

III-PRAVA I OBAVEZE ZAKUPODAVCA I ZAKUPCA

Član 4.

Zakupodavac se obavezuje da će zakupca uvesti u posjed i predati na korištenje poslovni prostor nakon zaključivanja ovog Ugovora, o čemu će se sačiniti Zapisnik.

Zakupodavac se obavezuje da će zakupcu omogućiti nesmetano korištenje poslovnih prostora.

Član 5.

Zakupac se obavezuje da će poslovni prostor koristiti samo u svrhu određenu ugovorom i prema uslovima ugovora.

Ako zakupac i pored opomene zakupodavca poslovni prostor koristi protivno odredbama ovog ugovora ili njegovoj namjeni, ili ne održava poslovni prostor te postoji opasnost znatne štete, zakupodavac će otkazati ugovor bez davanja otkaznog roka.

Član 6.

Zakupac se obavezuje da će:

1. unutrašnji prostor restorana pripremiti u etno i eko-stilu prema idejnom rješenju koji će dostaviti od 15 dana od dana potpisivanja ugovora o zakupu na koji će saglasnost dati zakupodavac;
2. jelovnik istaći na vidnom mjestu i gastronomsku ponudu uklopiti u tradicionalnu kuhinju područja Crnoriječke visoravni;
3. uredno plaćati zakupninu i da poslovne prostore koristi s pažnjom dobrog domaćina;
4. redovno izmirivati račune o utrošku komunalnih i drugih usluga (električna energija, voda, odvoz smeća i sl.) uz dostavljanje kopija uplaćenih računa na uvid Zakupodavcu;
5. izvršiti osiguranje restorana i ljetne bašte od osnovnih rizika, kod osiguravajuće kuće po njegovom izboru;
6. vršiti usluge dezinfekcije, dezinsekcije i deratizacije poslovnog prostora u određenim razdobljima utvrđenim Pravilnikom o načinu obavljanja obavezne dezinfekcije, dezinsekcije i deratizacije („Službene novine Federacije BiH“, broj 30/16);
7. održavati higijenu u objektu i oko objekta;
8. snositi troškove isticanja firme, znaka i reklame na fasadi objekta;
9. ograničiti kretanje motornim vozilima za snabdijevanje restorana u terminima od 8 do 9h ujutro i nakon 17h poslijepodne;
10. radno vrijeme za pružanje ugostiteljskih usluga definisati kao: ljetno (od 8h do 21h) i zimsko (od 8h do 18h);
11. o svom trošku obezbijediti ogrijev (ekološki prihvatljiv);
12. da vrši tekuće održavanje u prostoru restorana i ljetne bašte;

13. u roku od 7 (sedam) dana od prestanka zakupnog odnosa službene prostore osloboditi od ljudi i stvari što će se zapisnički konstatovati;
14. prostorije vratiti u zatečeno stanje po prestanku ugovora o zakupu, te nadoknaditi eventualno pričinjenu materijalnu štetu;
15. spriječiti svako nedolično ponašanje posjetilaca u poslovnim prostorima;
16. obavljati i druge poslove za kojim se ukaže potreba.

Zakupac nema pravo bez prethodnog odobrenja Zakupodavca da vrši prepravke poslovnih prostorija.

Zakupac se također obavezuje da će tokom trajanja ovog ugovora obavljati ugostiteljsku djelatnost u skladu sa odredbama ovog ugovora.

Član 7.

Zakupac ima pravo i obavezu da na prikladnom mjestu na poslovnom objektu istakne firmu i zaštitni znak.

IV- PERIOD ZAKUPA

Član 8.

Ugovor o zakupu zaključuje se na određeno vrijeme u periodu od tri (3) godine, s mogućnošću produženja istog na period od dvije (2) godine, uz pridržavanje ugovorenih obaveza i u skladu sa zakonskim propisima.

Zakupni odnos iz stava 3.) člana 8. počinje teći od momenta zaključivanja Ugovora o zakupu od strane Zakupodavca i Zakupca.

U slučaju produženja ugovora o zakupu Zakupodavac će najkasnije u roku od šest (6) mjeseci prije isteka ugovora pokrenuti proceduru pribavljanja saglasnosti kao i u postupku dodjele u zakup poslovnog prostora i ljetne bašte.

Član 9.

Zakupac je obavezan da šest (6) mjeseci prije isteka ugovora pismeno obavijesti Zakupodavca da li ima namjeru produžavati Ugovor.

V-PODZAKUP

Član 10.

Zakupac nema pravo da poslovne prostore izdaje u podzakup.

Ukoliko zakupac poslovni prostor izda u podzakup, zakupodavac će obavezno otkazati ugovor o zakupu.

VI- PRESTANAK UGOVORA O ZAKUPU

Član 11.

Ugovor o zakupu prestaje istekom vremena iz člana 8. stav 1. ovog ugovora, a prijevremeno može prestati jednostranim otkazom ugovora bilo koje ugovorne strane pod uslovima i u skladu sa ovim ugovorom ili zakonom.

Ugovorne strane mogu jednostrano raskinuti ugovor o zakupu ukoliko se jedna od njih ne pridržava ugovorenih obaveza iz ugovora o zakupu.

Otkaz ugovora se vrši pisanim putem uz otkazni rok u trajanju od 30 dana, a počev od dana dostavljanja pisane obavijesti.

Ukoliko bilo koja ugovorna strana izvrši jednostrano otkazivanje ugovora, zakupac je obavezan narednog dana po isteku otkaznog roka predati u posjed poslovni prostor i ljetnu baštu iz člana 1. ovog ugovora zakupodavcu, a o čemu će se sačiniti poseban zapisnik.

U slučaju da zakupac ne postupi u skladu sa prethodnim stavom ovog člana ugovora odgovoran je za štetu koja usljed toga nastane, a zakupodavac je ovlašten pokrenuti postupak iseljenja zakupca iz poslovnog prostora.

VII- OSTALE ODREDBE

Član 12.

Ugovorne strane su saglasne da će sve eventualne probleme nastale iz međusobnih odnosa riješiti mirnim putem i u duhu dobrih poslovnih običaja.

Za sporove koje ugovorne strane nisu mogle riješiti mirnim putem određuje se nadležnost Općinskog suda u Sarajevu.

Član 13.

Ugovor stupa na snagu danom potpisivanja od strane ovlaštenih lica ugovornih strana zakupodavca i zakupca.

Član 14.

Ovaj ugovor je zaključen u 5 (pet) istovjetnih primjeraka i svaka strana potpisnica zadržaće po 2 (dva) primjerka dok će se jedan primjerak dostaviti Ministarstvu komunalne privrede, infrastrukture, prostornog uređenja, građenja i zaštite okoliša.

ZAKUPAC

UR „Oaza-Dino B“

Lice ovlašteno za zastupanje i predstavljanje

Fatima Duraković

ZAKUPODAVAC

Kantonalna javna ustanova za zaštićena prirodna područja

D I R E K T O R

Asad Jelešković, dipl.ing.polj.

Broj: _____
Sarajevo, _____ 2023. godine

Broj: _____/23
Sarajevo, _____ 2023. godine



KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj:03- 974 /23
Sarajevo, 17.10.2023. godine

Na osnovu člana 60. stav (2) Pravila Kantonalne javne ustanove za zaštićena prirodna područja broj: 01-144-I U.O./18 od 27.06.2018. godine i člana 16. stav (2) Odluke o dodjeli u zakup poslovnog prostora (restorana) i otvorenog prostora ispred objekta (ljetne bašte) Edukaciono-Informativnog centra na Bijambarama broj: 01-664/23 od 13.07.2023. godine, direktor Kantonalne javne ustanove za zaštićena prirodna područja d o n i o j e:

O D L U K U
o dodjeli u zakup poslovnog prostora (restorana) i otvorenog prostora ispred objekta (ljetne bašte) u sklopu Edukaciono-Informativnog centra na Bijambarama

Član 1.

Poslovni prostor (restoran) i otvoreni prostor ispred objekta (ljetna bašta) koji se nalaze u sklopu Edukaciono-Informativnog centra na Bijambarama se dodjeljuju u zakup UR „OAZA- DINO B“ iz razloga što je dostavio prijavu koja ispunjava uslove iz Javnog oglasa kao i cijenu

Član 2.

Sa aplikantom iz tačke I Odluke će se zaključiti ugovor o zakupu nakon što se pribavi odluka kojom se daje saglasnost na zaključivanje ugovora o zakupu poslovnog prostora, restorana i otvorenog prostora koji se nalazi u sklopu Edukaciono-Informativnog centra na Bijambarama.

Član 3.

Odluka stupa na snagu danom dosnošenja

O b r a z l o ž e n j e

Direktor je donio Odluku o imenovanju Komisije za provođenje procedure javnog oglašavanja broj: 03-715/23 od 06.09.2023. godine u sastavu: Elma Reiz-Bešić, predsjednica, Harita Čolaković, članica Azra Pindžo, članica i Vahdeta Čustović, sekretar Komisije. Nakon toga Kantonalna javna ustanova za zaštićena prirodna područja je dana 26.09.2023. godine raspisala Javni oglas za dodjelu u zakup poslovnog prostora (restorana) i otvorenog prostora ispred objekta (ljetne bašte) u sklopu Edukaciono-Informativnog centra na Bijambarama. Tekst Javnog oglasa je objavljen u dnevnim novinama „Oslobođenje“ (printano izdanje) i „Dnevni avaz“ (elektronsko izdanje), kao i na službenoj web stranici Javne ustanove www.zppks.ba.

Javni oglas je bio otvoren 10 (deset) dana od dana objavljivanja u dnevnim novinama i na službenoj web stranici.

U tom smislu na sastanku koji je održala dana 09.10.2023. godine, izvršila pregled blagovremeno prijavljenih prijava.

Tom prilikom Komisija je konstatovala da je blagovremeno na Prosekol javno natjecanje prijavila prijava od strane jednog aplikanta. Nablagovremeno prijave nisu evidentirane na Prosekolu javno natjecanje.

R/b	Puni naziv podnositelca prijave	Datum dostavljanja prijave		Broj prijave, datum i vrijeme dostavljanja prijave
		Prijava dostavljena listom	Prijava dostavljena putem pošte preporučeno	
1.	UR „GAZA-DINO B“	Da	-	06-3-005/23, 05.10.2023. godine u 14:00 sati

Uvidom u prijavu gore navedenog aplikanta, Komisija je konstatovala da je aplikant ponudio jedinih cijena zaкупа restorana i ljete bašte koje su tabulirano prikazane:

R/ b	Puni naziv aplikanta	Jedinična cijena zaкупine restorana na popravcima nos prostora po m ² na period od 12 mjeseci	Jedinična cijena zaкупine ljete bašte po m ² na period od 6 mjeseci
1	UR „GAZA-DINO B“	16,00 KM	6,00 KM

Analizom prijave u formalno-pravnom i sadržajnom smislu Komisija je sašla da prijava UR „GAZA-DINO B“ potpuno i izvršiteljivana, te da ide u dalje procedure.

Rang lista aplikanata bazirana na jediničnim ponudbenim cijenama zaкупа restorana i ljete bašte na jedan mjesec

R/b	Puni naziv aplikanta	Jedinična cijena zaкупine restorana na popravcima nos prostora po m ²	Jedinična cijena zaкупine ljete bašte po m ²	Ukupno mjesečna cijena zaкупine restorana za period od 12 mjeseci	Ukupno mjesečna cijena zaкупine ljete bašte na period od 6 mjeseci	Ukupno zaкупine restorana i ljete bašte
1	UR „GAZA-DINO B“	16,00 KM	6,00 KM	9.216,00 KM	2.520,00 KM	11.736,00 KM



KANTON SARAJEVO
Kantonalna javna ustanova
za zaštićena prirodna područja


CANTON SARAJEVO
Cantonal Public Institution
for Protected Natural Areas

Direktor je ocjenio da su u postupku evaluacije prispjele prijave, posebno cjenjene činjenice da je Komisija, pravilno i potpuno izvršila ocjenu iste shodno kriterijima koji su navedeni u Odluci Upravnog odbora i Javnom oglasu.

Direktoru Javne ustanove Komisija postupajući po članu 16. stav (1) Odluke o dodjeli u zakup poslovnog prostora (restorana) i otvorenog prostora ispred objekta (ljetne bašte) Edukaciono-Informativnog centra na Bijambarama daje Prijedlog odluke o dodjeli u Zakup poslovnog prostora (restorana) i otvorenog prostora ispred objekta (ljetna bašte) u sklopu Edukaciono-informativnog centra na Bijambarama UR „Oaza-Dino B“ iz razloga što je prijava aplikanta prihvatljiva iz formalno-pravnih razloga kao i cijene.

Na osnovu gore izloženog, direktor Javne ustanove je odlučio kao u tački I. Odluke.


Pouka o pravnom lijeku: Protiv ove odluke postoji mogućnost ulaganja žalbe Upravnom odboru Kantonalne javne ustanove za zaštićena prirodna područja u roku od 8 (osam) dana od dana prijema iste.



Asad Jelesković, dipl.ing.polj.

Dostaviti:

1. Aplikantu koji je učestvovao na Javnom oglasu
2. Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo – na dalju proceduru i
3. Arhivi Javne ustanove



21-11-2023

OG

1416

11200

Bosna i Hercegovina
Federacija Bosne i Hercegovine
KANTON SARAJEVO
Pravobranilaštvo Kantona Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Правобранилаштво Кантона Сарајево

Bosnia and Herzegovina
Federation of Bosnia and Herzegovina

CANTON SARAJEVO
Public Defender's Office of Sarajevo Canton

Broj: M-210/23
Sarajevo, 17.11.2023.godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja, građenja
i zaštite okoliša

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 20-11-2023			
Organizaciona jedinica	Klasifikaciona oznaka	Broj	Redni broj
05	11	45321	-2

OG

Veza: Vaš akt, broj: 05-11-45321/23 od 02.11.2023. godine

Aktom broj i datum veze, zaprimljenim u Pravobranilaštvu Kantona Sarajevo dana 06.11.2023. godine, obratili ste se sa zahtjevom kojim tražite pravno mišljenje na prijedlog Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama, između Kantonalne javne ustanove za zaštićena prirodna područja, kao zakupodavca s jedne strane i UR Oaza-Dino B iz Vogošće kao zakupca s druge strane.

Na osnovu uvida u dostavljenu dokumentaciju, te proučavanja važećih zakonskih propisa koji regulišu predmet vašeg zahtjeva, a u skladu sa svojim nadležnostima utvrđenim članom 15. Zakona o pravobranilaštvu, ovo Pravobranilaštvo se izjašnjava i daje sljedeće

M I Š L J E N J E

U skladu sa članom 15. stav 2. Zakona o pravobranilaštvu utvrđena je obaveza organa i pravnih lica iz stava 1. ovoga člana citiranog Zakona da pribave pravno mišljenje ovog Pravobranilaštva prije zaključenja ugovora o zakupu, što je u konkretnom slučaju učinjeno.

U prilogu akta dostavljena je Odluka o utvrđivanju kriterija za dodjelu u zakup poslovnog prostora (restorana) i otvorenog prostora ispod objekta (ljetne bašte) Edukaciono-Informativnog Centra na Bijambarama sačinjene od strane Zakupodavca br. 01-664/23 od 13.07.2023, na koju je Ministarstvo komunalne privrede, prostornog uređenja, građenja i zaštite okoliša Kantona Sarajevo aktom br. 05-19-32932/23 od 25.07.2023., godine dalo saglasnost, Javni oglas o dodjeli u zakup poslovnog prostora i otvorenog prostora ispred (ljetne bašte) Edukaciono-informativnog centara na Bijambarama br. 03-841/23 od 25.09.2023 godine, te Odluku o dodjeli u zakup poslovnog prostora (restorana) i otvorenog prostora ispred objekta (ljetne bašte) u sklopu Edukaciono-Informativnog centra na Bijambarama.

Prije svega, Pravobranilaštvo će u skladu sa svojim ovlastima utvrđenim prednje navedenim Zakonom cijeliti ovim mišljenjem dostavljeni prijedlog Ugovora o zakupu, kao obligaciono-pravni ugovor, te se neće



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21

upuštati u predhodno provedeni postupak i proceduru odabira najpovoljnijeg ponuđača, što je u nadležnosti Komisije za provođenje procedure javnog oglašavanja imenovane Odlukom br. 03-715/23 od 06.09.2023. godine

Članom 1. dostavljenog prijedloga Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalaze u sklopu Informativno-edukacionog centra na Bijambarama regulisan je predmet zakupa, što je bitan elemenat svakog ugovora o zakupu sa određenom zakupninom iz člana 2. koja je u utvrđena u skladu sa dostavljenom dokumentacijom. U članu 8. Ugovora određeno je da se Ugovor o zakupu zaključuje na određeno vrijeme u periodu od 3 godine, s mogućnošću produženja istog na period od dvije godine, uz pridržavanje ugovorenih obaveza i u skladu sa zakonskim propisima, s tim što smatramo da je potrebno precizirati od kada počinje teći zakupni odnos.

Nadalje, primjećujemo da je u članu 11. stav 4. Ugovora, kojim je uređen jednostrani otkaz ugovora, pogrešno naveden zakupoprimalac umjesto zakupodavac kao ugovorna strana kojoj je zakupac obavezan predati u posjed predmet zakupa, kao i da je u stavu 5. pomenutog člana pogrešno naveden zakupoprimalac umjesto zakupodavac kao ovlaštena strana za pokretanje postupka iseljenja zakupca iz poslovnog prostora, u slučaju nepostupanja zakupca u skladu sa prethodnim stavom ovoga člana. S tim u vezi, potrebno je izvršiti ispravku naprijed navedenog.

Imajući u vidu prednje navedeno, ovaj organ sa formalno-pravnog aspekta nema drugih primjedbi niti sugestija na dostavljeni tekst prijedloga Ugovora o zakupu, te sugerišemo dalje postupanje u skladu sa zakonskom procedurom prije zaključenja Ugovora

U konačnici, napominjemo da se mišljenje daje na temelju podataka i činjenica utvrđenih iz dostavljene dokumentacije, za čiju tačnost odgovara podnosilac zahtjeva, te ukoliko se utvrdi da takvi podaci odstupaju od stvarnog činjeničnog stanja, ovo mišljenje se ne može koristiti i stavlja se van snage.

Za sve dodatne informacije ili konsultacije stojimo Vam na raspolaganju.



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21

Katastarska općina: SP_KAMENICA

Zemljišnoknjižni izvadak

A Popisni list

R.br.	Broj parcele	OZNAKA NEKRETNINA	Površina			Primjedba
			ha	a	m ²	
1.	534/83	BIJAMBARE PLANINARSKI DOM, DVORIŠTE I PAŠNJAK; PLANINARSKI DOM 0000 00 91 DVORIŠTE 0000 05 00 PAŠNJAK 0000 13 29	0000	19	20	Preuzeto dana 22.10.2008.god iz Zk. ul. 339. KO KAMENICA 065-0-DN-II-09-3091

B Vlasnički list


R.br.	UPISI	Primjedba
4.	Udio: 1/1 KANTON SARAJEVO-VLADA KANTONA SARAJEVO, sa sjedištem u Sarajevu ID: - Pr. 23.06.2015.godine broj: 065-0-DN-15-015 607 Na osnovu Zahtjeva Pravobranilaštva Kantona Sarajevo, broj: Pr. 37/2014 od 19.06.2015.godine, člana 338. Zakona o stvarnim pravima ("Službene novine FBiH broj 66/13") i Zakona o izmjenama i dopunama Zakona o stvarnim pravima ("Službene novine FBiH broj 100/13"), uknjižuje se pravo vlasništva na nekretnine opisane u A listu. Provedeno dana 10.07.2015.godine E.I. Tip: Vlasništvo Adresa: ul.Reisa Džemaludina Čauševića br.1., Sarajevo	

C Teretni list

R.br.	UPISI	Iznos (KM)	Primjedba
1.	Nema tereta		



Potpis zemljišnoknjižnog referenta:





SLUŽBENE NOVINE

KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se blije utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavaње građana sa područja Kantona na neki od propisanih načina.

Član 5.

Službeni obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odlučuje Skupština.

Službeni obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može i neke od svojih nadle nosti prenijeti na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadle nosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadle nosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).



SLUŽBENE NOVINE

KANTONA SARAJEVO

Godina XIII – Broj 33

Srijeda, 8. oktobra 2008. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 18. Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 26/08) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 -Prečišćeni tekst i 7/08), Zakonodavno - pravna komisija Skupštine Kantona Sarajevo, na sjednici od 3. oktobra 2008. godine, utvrdila je Novi prečišćeni tekst Zakona o pravobranilaštvu.

Novi prečišćeni tekst Zakona o pravobranilaštvu obuhvata: Zakon o pravobranilaštvu-Prečišćeni tekst ("Službene novine Kantona Sarajevo", broj 12/01), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 20/02), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 15/05) i Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 26/08), u kojim je naznačen dan stupanja na snagu tih zakona.

Broj 01-05-27821/08 Predsjedavajući
3. oktobra 2008. godine Zakonodavno - pravne komisije
Sarajevo **Esad Hrvačić, s. r.**

ZAKON

O PRAVOBRANILAŠTVU (NOVI PREČIŠĆENI TEKST)

I. OSNOVNE ODREDBE

Član 1.

Pravobranilaštvo Kantona Sarajevo (u daljnjem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo (u daljnjem tekstu: Kanton).

Pravobranilaštvo vrši i druge poslove određene zakonom.

Član 2.

Pravobranilaštvo svoju funkciju vrši u skladu sa Ustavom, zakonom, drugim propisima i općim aktima.

Član 3.

Državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u

vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno.

Organi i pravna lica iz stava 1. ovog člana dužni su, na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno.

Pravobranilaštvo preduzima pravne radnje i sredstva za ostvarivanje funkcije iz člana 1. ovog Zakona i na vlastitu inicijativu.

Član 4.

Federalni i kantonalni propisi kojima se uređuje radno-pravni status državnih službenika i namještenika u organima državne službe, shodno se primjenjuju i na državne službenike i namještenike Pravobranilaštva, ako ovim Zakonom nije drukčije određeno.

Član 5.

Pravobraniocu i zamjeniku pravobranioca izdaje se službena legitimacija.

Ministar pravde Kantona propisuje obrasce i način izdavanja službene legitimacije.

Član 6.

U pravobranilaštvu su u ravnopravnoj upotrebi bosanski, hrvatski i srpski jezik i latinično i ćirilično pismo.

Pravobranilaštvo može koristiti i ostale jezike kao sredstvo komunikacije.

Član 7.

Pravobranilaštvo ima pečat u skladu sa Zakonom o pečatima Kantona.

Na zgradi u kojoj je smješteno Pravobranilaštvo mora biti istaknut naziv Pravobranilaštva sa grbom Kantona.

Sjedište Pravobranilaštva je u Sarajevu.

II. NADLEŽNOST I ORGANIZACIJA PRAVOBRANILAŠTVA

1. Nadležnost Pravobranilaštva

Član 8.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno od odredaba prethodnog stava, Pravobranilaštvo vrši poslove pravne zaštite imovine i imovinskih interesa javnih

preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Član 9.

Ako Vlada Kantona (u daljnjem tekstu: Vlada) drukčije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Pravobranilaštvo može ovlastiti Federalno pravobranilaštvo da obavlja poslove u postupcima iz prethodnog stava.

Ako, po propisima strane zemlje, Pravobranilaštvo ne može neposredno zastupati pred njenim sudovima, arbitražama i drugim državnim organima i organizacijama, Vlada će ovlastiti drugo lice koje po propisima strane zemlje može da ga zamjenjuje u zastupanju.

Član 10.

Državni i drugi organi, preduzeća i druga pravna lica iz člana 9. ovog Zakona dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preduzima druge zakonom određene pravne radnje i da mu dostave svu potrebnu dokumentaciju.

Poslove zastupanja organa i pravnih lica iz člana 8. ovog Zakona Pravobranilaštvo vrši u svim sudskim postupcima i upravnom postupku, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interesi Kantona.

Član 11.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa, koji o tome zauzima konačan stav.

Član 12.

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju pravnih radnji iz prethodnog stava, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku.

Pravobranilaštvo može zastupati i druga pravna lica, na njihov zahtjev, ako vršenje tih poslova ne utiče na blagovremeno i uspješno izvršavanje njegovih funkcija određenih zakonom.

Član 13.

Ako Pravobranilaštvo treba po zakonu da zastupa stranke čiji su interesi u suprotnosti, a jedna od njih je Kanton, a druga općina koja je poslove pravobranilaštva povjerila Pravobranilaštvu, Pravobranilaštvo neće zastupati ni jednu stranku.

U slučaju da Pravobranilaštvo treba po zakonu da zastupa stranke čiji su interesi u suprotnosti, Pravobranilaštvo neće zastupati te stranke.

U slučaju iz prethodnog stava, stranke mogu ovlastiti drugog zastupnika.

Član 14.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Član 15.

Pravobranilaštvo pruža stručnu pomoć organima, fondovima, preduzećima i drugim pravnim licima iz člana 8. ovog Zakona u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva.

Pravobranilaštvo mišljenje iz st. 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 16.

Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko-pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

Član 17.

Organi, fondovi, preduzeća i druga pravna lica iz člana 8. ovog Zakona dužni su zaključeni ugovor imovinsko-pravne prirode dostaviti Pravobranilaštvu, u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

2. Organizacija Pravobranilaštva

Član 18.

Funkciju Pravobranilaštva vrši kantonalni pravobranilac (u daljnjem tekstu: pravobranilac).

Član 19.

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene kantonalnim zakonom, drugim kantonalnim propisom i općim aktom. Broj zamjenika pravobranioca utvrđuje Vlada na prijedlog ministra pravde Kantona.

Član 20.

Zamjenik pravobranioca vrši poslove iz djelokruga Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca.

Kad je pravobranilac spriječen ili odsutan, zamjenjuje ga zamjenik koga on odredi.

Član 21.

Pravobranioca i zamjenika pravobranioca imenuje, smjenjuje i razrješava Skupština Kantona.

Član 22.

Za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima ili pravnim poslovima u drugim državnim organima, preduzećima i



SLUŽBENE NOVINE

KANTONA SARAJEVO

Godina XXI – Broj 44

Četvrtak, 3. novembra 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 26.10. 2016. godine, donijela je

ZAKON

O IZMJENAMA I DOPUNAMA ZAKONA O PRAVOBRANILAŠTVU

Član 1.

U članu 3. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst i broj 7/12) dodaju se novi st. 4, 5. i 6. koji glase:

"Kada Pravobranilaštvo mora postupiti u propisanom zakonskom roku, organi i organizacije iz st. 1. i 2. ovog člana dužni su da pravobranioocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja organa i organizacija iz st. 1. i 2. ovog člana nastupi šteta za Kanton Sarajevo ili druge subjekte koje zastupa, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete."

Član 2.

U članu 10. iza stava 3. dodaju se novi st. 4. i 5., koji glase:
"Ukoliko pravomoćnom presudom bude utvrđen nezakonit rad ili odluka zastupanog organa ili organizacije, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 3.

U članu 11. stav 2. iza riječi: "Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa" stavlja se tačka, a ostali dio teksta briše se.

Dodaje se stav 3. koji glasi:

"Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa."

Član 4.

U članu 15. dodaje se novi stav 3. koji glasi:

"Organi i pravna lica iz stava 1. ovog člana dužni su pribaviti i saglasnost Skupštine Kantona prije zaključenja ugovora imovinsko-pravne prirode iz stava 2. ovog člana, u skladu sa Ustavom Kantona i zakonom, a ukoliko na te ugovore nije pribavljeno pravno mišljenje Pravobranilaštva, Skupština ih neće ni razmatrati, odnosno odbiće davanje saglasnosti."

U dosadašnjem stavu 3. na kraju teksta tačka se briše i dodaju riječi: "niti saglasnosti Skupštine Kantona."

Dosadašnji st. 3. i 4. postaju st. 4. i 5.

Iza stava 5. dodaju se novi st. 6. i 7., koji glase:

"O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 5.

U članu 22. iza riječi: "diplomirani pravnik", dodaju se riječi: "ili Bakalareat/Bachelor prava sa ostvarenih 240 ECTS studijskih bodova Bolonjskog sistema studiranja," a iza riječi: "pet godina", dodaju se riječi: "nakon položenog pravosudnog ispita".

Član 6.

U članu 24. st. 2. i 3. mijenjaju se i glase:

"Pravobranilac koji ne bude ponovo imenovan, raspoređuje se na mjesto zamjenika pravobranioca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom kantonalnom organu u skladu sa svojim stručnim kvalifikacijama.

Rješenje o raspoređivanju pravobranioca na mjesto zamjenika pravobranioca donosi Skupština Kantona, a na mjesto državnog službenika Vlada, najkasnije u roku od tri mjeseca od dana prestanka funkcije pravobranioca."

U stavu 4. riječ "Vlade" zamjenjuje se riječima: "iz prethodnog stava ovog člana".

Član 7.

Član 27. mijenja se i glasi:

"Član 27.

Pravobranioocu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz st. 1. i 2. ovog člana, donosi se odluka o razrješenju."

Član 8.

U članu 31. stav 3. mijenja se i glasi:

"Pravobranioocu i zamjeniku pravobranioca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke."

Član 9.

U članu 35. stav 1. na kraju stava tačka se zamjenjuje zarezom i dodaju se riječi: "nakon položenog pravosudnog ispita."

Član 10.

Iza člana 36. dodaju se novi čl. 36a. i 36b., koji glase:

"Član 36a.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilašvo se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

Član 36b.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilašvo se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Odredbе ovog zakona koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

Član 11.

U članu 45. stav 1. iza riječi: "imenuje", veznik "i" zamjenjuje se zarezom, a iza riječi: "smjenjuje" dodaju se riječi: "i razrješava".

Član 12.

U članu 46. stav 1. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS

studijskih bodova Bolonjskog sistema studiranja", a nakon riječi: "tri godine", dodaju se riječi: "nakon položenog pravosudnog ispita".

Član 13.

Iza člana 57. dodaje se novi član 57a. koji glasi:

"Član 57a.

U roku od 60 dana od dana stupanja na snagu ovog zakona, Gradsko, odnosno općinsko vijeće uskladiće odluke o osnivanju Gradskog, odnosno općinskog pravobranilaštva sa odredbama ovog Zakona."

Član 14.

(Stupanje sa snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-31291/16
26. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu čl. 17. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst), Skupština Kantona Sarajevo, na sjednici održanoj dana 19.10.2016. godine, donijela je

ODLUKU

**O DAVANJU SAGLASNOSTI ZA OSNIVANJE
ODSJEKA ZA EDUKACIJU I REHABILITACIJU NA
PEDAGOŠKOM FAKULTETU UNIVERZITETA U
SARAJEVU**

I

Daje se saglasnost za osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu, u skladu sa priloženim Elaboratom.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-30570/16
19. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

ELABORAT

**o opravdanosti osnivanja Odsjeka za edukaciju i
rehabilitaciju**

Uvod

Obrazovana radna snaga predstavlja suštinski preduvjet ekonomskog razvoja države. Najnaprednije i najbogatije države svijeta imaju najbolje obrazovne sisteme. Pravo na obrazovanje utvrđeno je Ustavom Bosne i Hercegovine. Finansijska sredstva alocirana u obrazovne svrhe nisu dovoljna. Stručno obučavanje predstavlja ključni preduvjet za ekonomski razvoj jedne zemlje i smanjenje stope nezaposlenosti i siromaštva.

Ovim elaboratom se uzeo u obzir veliki značaj raspoloživih kvalificiranih i kompetentnih stručnih kadrova iz oblasti edukacije i rehabilitacije osoba sa teškoćama u razvoju, kako bi se povećao broj kvalificiranih kadrova specifičnih za educiranje i rehabilitaciju, kao i njihovo uključivanje u aktuelnu reformu visokoškolskog sistema obrazovanja.

Osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu dalje polazi od premise da visoki kvalitet u ovoj oblasti može da se realizira visokokvalitetnim obrazovanjem i usavršavanjem stručnih kadrova na svim nivoima. Visoki kvalitet obrazovanja i usavršavanja postiže se veoma dalekosežnim integriranjem formalnih i neformalnih kvalifikacionih mjera potrebnih za

**ZAKON
O IMOVINI KANTONA SARAJEVO**

Član 1.

Ovim zakonom utvrđuje se imovina Kantona Sarajevo (u daljem tekstu: Kanton), preuzimanje, način sticanja, upravljanja i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sljedbenik Grada Sarajeva (u daljem tekstu: Grad) u imovini i imovinskim pravima, u skladu sa Zakonom o područjima općina SRBiH ("Slu beni list SRBiH", br. 47/62, 6/65, 14/66, 23/67, 3/70, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posjedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3. i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udru enja građana i političke organizacije, izuzev sredstava koja su te zajednice i organizacije pribavile iz drugih izvora osim bud eta; sredstava za finansiranje zajedničkih potreba, donacija društvenih pravnih lica i samodoprinosu građana;
3. nekretnina na području Kantona koje su izgrađene ili po drugom osnovu stečene iz sredstava bud eta, sredstava za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnim knjigama odnosno da li su upisane u zemljišne knjige;
4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlaštenja i obaveze vlasnika po osnovu dr avnog kapitala prema preduzećima i ustanovama koja u cjelini ili djelimično imaju dr avni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadle ni organi Federacije.

Član 8.

Imovinom Kantona upravlja Skupština Kantona Sarajevo (u daljem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Član 9.

Skupština mo e posebnim propisom prenijeti prava vlasništva na druga pravna lica, u skladu sa zakonom.

Član 10.

Vlada Kantona posebnim propisom uredit će način evidentiranja imovine iz čl. 2, 3, 4, 5, 6. i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i dr ave Bosne i Hercegovine.

Član 12.

Ovaj zakon stupa na snagu osmog dana od dana objavljivanja u "Slu benim novinama Kantona Sarajevo".

Broj 01-02-12/97
3. aprila 1997. godine
Sarajevo

Predsjedavajući
Skupštine Kantona Sarajevo,
Mirsad Kebo, s. r.

Na osnovu člana 18.b) Ustava Kantona Sarajevo ("Slu bene novine Kantona Sarajevo", br. 1/96, 2/96 i 3/96) i člana 20. Zakona o Agenciji za privatizaciju ("Slu bene novine Federacije BiH", broj 18/96), Skupština Kantona Sarajevo, na sjednici od 3. aprila 1997. godine, donijela je

ZAKON**O KANTONALNOJ AGENCIJI ZA PRIVATIZACIJU****I - OPĆE ODREDBE**

Član 1.

Ovim zakonom osniva se Kantonalna agencija za privatizaciju (u daljem tekstu: Agencija) kao upravna organizacija Vlade Kantona, utvrđuje njen pravni polo aj, sjedište, djelokrug i nadle nost, upravljanje, rukovođenje i finansiranje.

II - PRAVNI POLOŽAJ I SJEDIŠTE AGENCIJE

Član 2.

Agencija ima svojstvo pravnog lica.

Agencija je specijalizovana upravna organizacija Vlade Kantona Sarajevo (u daljem tekstu: Vlada Kantona).

Član 3.

Sjedište Agencije je u Sarajevu.

III - DJELATNOST I NADLEŽNOST AGENCIJE

Član 4.

Djelatnost Agencije je obavljanje stručnih i drugih poslova koji se odnose na privatizaciju.

Član 5.

U okviru svoje djelatnosti Agencija vrši naročito:

- organizovanje i podsticanje privatizacije preduzeća na teritoriji Kantona;
- odobrava početne bilanse preduzeća u skladu sa metodologijom za pripremu preduzeća za privatizaciju;

Na osnovu čl. 113. i 223. Poslovnika Skupštine Kantona Sarajevo ("Službene novine Kantona Sarajevo" - Novi prečišćen tekst, broj 25/10 i br. 14/11, 19/11 i 7/12), Skupština Kantona Sarajevo, na sjednici održanoj dana 21.09.2012. godine, povodom razmatranja prijedloga za glasanje o nepovjerenju Vladi Kantona Sarajevo, donijela je slijedeću

ODLUKU

I

Skupština Kantona Sarajevo, je većinom glasova od izabranih poslanika/zastupnika u Skupštini Kantona Sarajevo, izglasala Odluku o nepovjerenju Vlade Kantona Sarajevo.

II

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 01-05-25684/12 Predsjedavajuća
21. septembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

Zakonodavno-pravna komisija Skupštine Kantona Sarajevo

Na osnovu člana 172, 175. i 176. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) Zakonodavno-pravna komisija Skupštine Kantona Sarajevo na sjednici od 17.09.2012. godine, utvrdila je Drugi novi prečišćeni tekst Poslovnika Skupštine Kantona Sarajevo.

Drugi novi prečišćeni tekst Poslovnika Skupštine Kantona Sarajevo obuhvata Poslovnik Skupštine Kantona Sarajevo-Novu prečišćeni tekst ("Službene novine Kantona Sarajevo", broj 25/10), Odluku o dopuni Poslovnika Skupštine Kantona Sarajevo ("Službene novine Kantona Sarajevo", broj 14/11), Odluke o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 19/11, 7/12, 26/12) u kojima je označen dan stupanja na snagu tih odluka.

Broj 01-05-24830/12 Predsjedavajući
17. septembra 2012. godine Zakonodavno-pravne komisije
Sarajevo **Amir Zukić**, s. r.

POSLOVNIK SKUPŠTINE KANTONA SARAJEVO DRUGI NOVI PREČIŠĆENI TEKST

I - OPĆE ODREDBE

Član 1.

Skupština Kantona Sarajevo (u daljnjem tekstu: Skupština) konstituiše se, organizuje i radi u skladu sa Ustavom, zakonom i Poslovnikom Skupštine Kantona Sarajevo.

Član 2.

Poslovnikom Skupštine Kantona Sarajevo (u daljnjem tekstu: Poslovnik) uređuju se:

- konstituisanje i unutrašnja organizacija Skupštine;
- način rada Skupštine;
- dužnosti i prava poslanika/zastupnika u Skupštini;
- javnost rada Skupštine;
- akta Skupštine;
- izbori, imenovanja, potvrđivanja, smjenjivanja i razrješenja iz nadležnosti Skupštine;
- odnos Skupštine prema Vladi (u daljem tekstu: Vlada);

- odnos Skupštine prema političkim strankama i udruženjima građana;
- saradnja sa Gradskim vijećem i Domom naroda Parlamenta Federacije BiH;
- saradnja Skupštine sa općinskim vijećima; i
- druga pitanja od značaja za rad Skupštine.

Član 3.

Ako neko pitanje organizacije i rada Skupštine nije uređeno Poslovnikom, uređiće se zaključkom Skupštine, na sjednici.

Zaključak iz prethodnog stava primjenjuje se od dana donošenja.

Zaključak iz stava 1. ovog člana ne može biti u suprotnosti sa načelima i odredbama Poslovnika.

Član 4.

Sjedište Skupštine je u Sarajevu, Ulica Reisa Džemaludina Čauševića broj 1.

Član 5.

Skupština ima pečat u skladu sa zakonom.

O čuvanju i upotrebi pečata stara se sekretar Skupštine.

II - KONSTITUISANJE I UNUTRAŠNJA ORGANIZACIJA SKUPŠTINE

Konstituisanje Skupštine

Član 6.

Skupština je jednodomna i čine je poslanici/zastupnici čiji je broj utvrđen Ustavom Kantona i zakonom (u smislu ovog poslovnika, "poslanik/zastupnik" podrazumijeva osobe oba spola).

Član 7.

Prva sjednica Skupštine saziva se najkasnije 10 dana nakon što nadležni organ potvrdi, ovjeri i objavi izborne rezultate.

Prvu sjednicu Skupštine saziva predsjedavajući Skupštine iz prethodnog saziva i predsjedava sjednicom Skupštine do izbora predsjedavajućeg u novom sazivu.

Ukoliko je predsjedavajući Skupštine spriječen, prvu sjednicu saziva jedan od njegovih zamjenika iz prethodnog saziva.

Ukoliko su i zamjenici spriječeni da sazovu prvu sjednicu Skupštine, sjednicu saziva najstariji izabrani poslanik/zastupnik u novom sazivu, odnosno onaj poslanik/zastupnik koga za sazivanje ovlasti jedna trećina novoizabranih poslanika/zastupnika.

Član 8.

Predsjedavajući prve sjednice Skupštine predočava Skupštini izvještaj Izborne komisije BiH o ovjeri mandata osobama koje su dobile poslanički/zastupnički mandat.

Poslanici preuzimaju dužnost zajedničkim davanjem i pojedinačnim potpisivanjem svečane izjave, koja glasi:

"Svečano izjavljujem da ću povjerenu dužnost obavljati savjesno, pridržavati se Ustava i zakona Bosne i Hercegovine, Federacije Bosne i Hercegovine i Kantona Sarajevo, zalagati se za ljudska prava i slobode i da ću u svim prilikama štiti interese Bosne i Hercegovine, Federacije Bosne i Hercegovine i Kantona Sarajevo i ravnopravnost naroda i građana koji u njima žive."

Procedura iz st. 1. i 2. ovog člana odnosi se i na poslanike/zastupnike sa naknadno dodijeljenim mandatima.

sjednice radnog tijela, mjesečni paušal će mu se umanjiti za 10% po izostanku.

Za realizaciju stavova 2, 3. i 4. nadležna je Komisija za izbor imenovanja i administrativna pitanja.

Član 106.

Poslanik/zastupnik ima pravo i dužnost da:

- pokreće inicijative za donošenje odluka i zakona u nadležnosti Skupštine;
- da pokreće inicijative za donošenje drugih akata u nadležnosti Skupštine;
- da pokreće rasprave o pitanjima koja su u nadležnosti Skupštine; i
- da u roku predviđenom ovim poslovníkom dobije sve informacije i materijale vezane za rad Skupštine i njenih tijela.

Član 107.

Poslanik/zastupnik ima pravo na novčanu naknadu za svoj rad u Skupštini, te naknadu materijalnih troškova, u skladu sa zakonom.

Član 108.

Poslanik/zastupnik uživa imunitet za svoj rad u Skupštini, u skladu sa odredbama Zakona o imunitetu Federacije Bosne i Hercegovine.

Član 109.

Poslaniku/zastupniku prestaje mandat na način propisan Izbornim zakonom BiH.

V - JAVNOST RADA SKUPŠTINE

Član 110.

Rad Skupštine je javan.

Skupština obezbjeđuje javnost rada blagovremenim, potpunim i objektivnim informisanjem javnosti o svom radu.

Član 111.

Skupština obezbjeđuje svim sredstvima javnog informisanja, pod jednakim uslovima, pristup informacijama kojima raspolaže, omogućava pristup skupštinskim materijalima, izdaje službena saopštenja i organizuje konferencije za štampu.

Pristup informacijama iz prethodnog stava može biti uskraćen samo ako one predstavljaju državnu, vojnu, službenu ili poslovnu tajnu na način propisan zakonom ili drugim propisima donesenim na osnovu zakona.

Član 112.

Građanima i predstavnicima sredstava javnog informisanja omogućava se slobodan pristup sjednicama Skupštine u za njih posebno rezervisanom prostoru, kako to utvrdi Kolegij i u skladu sa prostornim mogućnostima.

Član 113.

Sjednica ili dio sjednice na kojoj se razmatraju pitanja regulisana stavom 2. člana 111. biće održana bez prisustva sredstava javnog informisanja i zatvorena za javnost.

U slučaju iz prethodnog stava, predsjedavajući je dužan javnosti obrazložiti razloge zatvaranja sjednice Skupštine.

Član 114.

Sjednice komisija Skupštine u pravilu su otvorene za javnost.

Izuzetno, sjednice ili dijelovi sjednica komisija mogu biti zatvoreni za javnost ako se odnose na razmatranje pitanja ili saslušanja vezana za rad predstavnika organa vlasti, stručnjaka ili poslanika/zastupnika posebnih socijalnih interesa.

U slučaju iz stava 1. ovog člana, predstavnicima sredstava javnog informisanja i građanima biće omogućeno prisustvovanje u skladu sa prostornim mogućnostima.

Član 115.

Gost na sjednicama Skupštine ima pravo da:

- učestvuje u radu Skupštine i u raspravi pred Skupštinom prema odobrenju Kolegija;
- iznosi ekspertsko mišljenje na osnovu odobrenja Kolegija; i
- daje prijedloge Skupštini za rješavanje određenih pitanja na osnovu poziva Skupštine.

Izuzetno, ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

Član 116.

Sekretar Skupštine dužan je organizovati rad Službe Skupštine na način koji omogućava da se brzo i efikasno obrade svi zahtjevi koji su Skupštini upućeni po osnovu Zakona o slobodi pristupa informacijama u Federaciji Bosne i Hercegovine.

VI - AKTA SKUPŠTINE

Opće odredbe o aktima

Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovník Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

Član 118.

Kad Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.

Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.

Član 120.

Zaključkom Skupština odlučuje o svom radu i o radu radnih tijela Skupštine i Službe Skupštine.

Zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Radna tijela Skupštine donose zaključke iz svog domena rada.

Član 121.

Deklaracijom se izražava stav Skupštine o političkim pitanjima i drugim bitnim pitanjima od interesa za Kanton, Federaciju Bosne i Hercegovine ili Bosnu i Hercegovinu.

Član 122.

Rezolucijom se utvrđuje političko djelovanje u svim ili pojedinim oblastima iz djelokruga Skupštine.